



1^{MA} SESSIONE URDINARIA DI U 2026
REUNIONE DI I 20 È 21 D'APRILE

1^{ère} SESSION ORDINAIRE DE 2026
RÉUNION DES 20 ET 21 AVRIL

N° 2026/O1/009

**Question orale déposée par Mme Véronique PIETRI
au nom du groupe « Core in Fronte »**

OBJET : PREZZI DI L'ESSENZA È VITA CARA : CHÌ NOVI MISURI ?

A situazioni di crisa ch'è no patimi oghji in Corsica, par rapportu à u prezzu di i carburanti, ùn si pò micca cunsiderà cum'è un episodiu isulatu.

S'inscrivi, hè vera, in un cuntestu geopoliticu più cà prioccupanti, in particolari in u Mediu Orientu, ma rivela soprattuttu una rialità più prufonda : quidda d'una dipendenza strutturali di i prezzu incù u sistema economicu è puliticu francesu, cunnisciutu dapoi decenni è mai currettu.

U blucchimu di i porti da i piscadori, raghjunti da l'agricultori, hà mustratu una situazione divintata insuppurtevuvi pà l'insembu di i professioni è u populu.

I primi risposti purtati fermi limitati in u fondu è in u tempu, è interroganu nant'à u trattamentu di fondu. È certi misuri, cum'è a pulitica di i prezzu da Total Énergies ani ancu fragilizatu i picculi rivinditori indipendenti, accrescendu i squilibrii.

À tempu, missioni parlamentarii sò annunziati.

U prublema va al di là di i carburanti. A vita cara in Corsica hè una rialità strutturali, ligata à sta dipendenza economica marcata da a cuncentrazioni di l'attori, situazioni di marcatu dettu « captif » è una mancanza di regulazioni adattata. Dispositivi asistini quantunqua in altri territorii isulani detti francesi, in particolari cù a leggi "Lurel", chì permette una regulazioni diretta di i prezzu è di i marghjini.

Ma a Cullittività di Corsica ùn hà oghji tutti i cumpitenzi nicissarii pà agiscia comu ci voli. Ciò chì rimanda dirittamenti à a quistioni di l'evoluzioni stituziunali aspittata, chì parmetti d'adattà i reguli à a rialità di u nosciu paesi.

In stu cuntestu, ch'aspittati cuncretamenti di i missioni parlamentarii annunziati parchì i rialtà di a Corsica siani viramenti presi in contu ?

Al di là di i primi misuri à cort'andà ch'eti pigliatu par risponda di manera pusitiva à l'urgenza, chi altri iniziativa cuntati piglià par rinfurzà di manera strategica sta pulitica di prezzi nant'à l'essenza è à vita cara ?

Vi ringraziemi.